

Месяца августа в 29-й день.

Усекновение главы святого славного пророка, Предтечи и Крестителя Господня Иоанна

На велицей вечерни

Стихологисуем Блажен муж: первый антифон.

На Господи, возвах: поставим стихов 8 и поем стихиры самогласны, Иоанна монаха, глас 6-й:

Рождеству сотворяему безстуднаго Ирода,/ скверныя плясавицы исполняшеся сложение клятвы:/ Предтечева бо глава, отсекиши, яко снедь,/ ношашеся на блюде возлежащим./ О, пира мерзка,/ непреподобна деяния и убийства исполнена!/ Но мы Крестителя, яко в рожденных женами больша, // достойно чтуще, ублажаем.

Пляса ученица вселукаваго диавола/ и главу твою, Предтече, мзду взят./ О, пира, исполнена кровей!/ Лучше бе не клятися,/ Ироде беззаконне, лжи внуче./ Аще ли же и клялся еси,/ но не о добре клялся:/ лучше бе солгавшу жизнь получи́ти,/ неже истинствовавшу главу Предтечеву усекнути./ Но мы Крестителя, яко в рожденных женами больша, // достойно чтуще, ублажаем.

Не подобаше ти, о Ироде,/ прелюбодеянию обличителя,/ ради рачения сатанинска/ и разжжения неистовнаго блуда смертию осудити./ Не подобаше ти того всечестную главу/ пребеззаконной жене ради клятвы плясания предати бедне./ О, како дерзнул еси таково убийство совершити!/ Како же не опалися скверная плясавица,/ посреди пира на блюде носящи сию?/ Но мы Крестителя, яко в рожденных женами больша, // достойно чтуще, ублажаем.

Паки Иродиа бесится, паки смущается./ О, плясания льстивна и пира с лестию!/ Креститель усекашеся и Ирод смущашеся./ Молитвами, Господи, Твоего Предтечи, // мир подаждь душам нашим.

Слава, глас тойже:

Рождеству сотворяему безстуднаго Ирода,/ скверныя плясавицы исполняшеся сложение клятвы:/ Предтечева бо глава, отсекиши, яко снедь ношашеся на блюде возлежащим./ О, пира мерзка, непреподобна/ деяния и убийства исполнена!/ Но мы Крестителя, яко в рожденных женами больша, // достойно чтуще, ублажаем.

И ныне, Богородичен:

Кто Тебе не ублажит, Пресвятая Дево;/ кто ли не воспоет Твоего Пречистаго Рождества;/ безлетно бо от Отца Возсиявый Сын Единородный,/ Тойже от Тебе, Чистыя, пройде,/ неизреченно воплощся:/ естеством Бог сый,/ и естеством быв Человек нас ради,/ не во двою лицу Разделяемый,/ но во Двою Естеству неслитно Познаваемый./ Того моли, Чистая, Всеблаженная, // помилуватися душам нашим.

Вход, прокимен дне и чтения три.

Стихира на литии, глас 1

Подобен "Что вас наречем, святии?"

Напева Оптиной Пустыни

Т.1
Т.2
Бар.
Б.

Что ты на - ре - чем, про - ро - че? Ан - ге - ла ли?

а - пос - то - ла ли? и - ли му че - ни - ка? Ан - ге - ла,

за - не я - ко без - пло - тен по - жил е - си. А - пос - то - ла,

я - ко на - у - чил е - си я - зы - ки. Му - че - ни - ка же, я - ко

тво - я гла - ва за Хрис - та у - се - че - ся. Е - го - же мо - ли,

по - ми - ло - ва - ти ду - ши на - ша.

На литии

стихиры самогласны, глас 1: [Германа патриарха:]

Что ты наречем, пророче?/ Ангела ли? апостола ли? или мученика?/ Ангела, зане яко безплотен пожил еси./ Апостола, яко научил еси языки./ Мученика же, яко твоя глава за Христа усечется.// Егоже моли, помилovati души наша.

Отсеченней главе Предтечеве/ память совершаем,/ тогда убо на блюде источающи кровь,// ныне же в концевх проливающи исцеления.

Днесь непреподобноделообразная мати убийства,/ еже от беззаконного сплетения своего всескверную дочь,/ над всех пророк богиизащна бoльшого,/ убийственнообразным советом лукавствова:/ враждебному бо Ироду творящу пир/ своего скверного рождества с клятвою испросити устрой,/ чудоточную богопроповедника честную главу./ Еже и соверши пребезумный,/ женскому плясанию дав ту возмездие,/ клятвенный дар: обаче не преста таинник Христова пришествия,/ богомерзкое смешение их и по кончине обличати,/ но обличая вопияше:/ не подобает ти, глаголя,/ прелюбодействовати брата твоего Филиппа жену./ О рождения пророкоубийственна,/ и кровей наполнена пира!/ Мы же благочестномудренне, во усекновении Предтечеве,/ белообразующе празднуем,/ яко в благонароचितый день радуешься:/ и умолим сего благоусердствовати Троицу,/ от страстей безчестия избавити нас,// и спасти души наша.

Глас 4:

Рождение неподобно, и пир безстуднейший Ирод совершил есть: любодейством бо женским услаждаемь, и нечестивым женонеистовством подстрекаемь, отсеке главу Предтечеву: но не отсеке языка пророческа, обличающего безумие его. Пролия кровь неповинну, покрыти хотя грех беззаконен: но ни о сем скры гласа, вопиющего всем покаяние. Он убо свеселяшеся убийством. Мы же спразднуем любовь, Крестителя Иоанна блаженное заклание. Предвари бо во аде жизнь, проповедати сущым во тьме и сени смертной сидящим, Свыше Восток, Христа Бога нашего, Единого Многомилостиваго.

Пророка и мученика, и Крестителя Спасова, приидите людие восхвалим: сей бо во плоти ангел сый, Ирода изобличил есть, пребеззаконного любодеяния содеянием осудив его. и беззаконного ради плясания, честная глава отсекается: сущым во аде благовествуяй, из мертвых воскресение: и молится прилежно Господеви, спастися душам нашим.

Пророка и мученика, и Крестителя Спасова, приидите людие восхвалим: яко бегая в пустыни водворяшеся, мед дивий и акриды ядый, царя беззаконнуюша обличил есть. Наше же малодушие утешаше, глаголя: покайтесь, приближи бо ся Царство Небесное.

Слава, глас 5: [Иоанна монаха:]

Беззаконного деяния обличения убежати Ирод умыслив,/ главу твою, Предтече,/ беззаконней жене предаде пакостно:/ не разуме бо окаянный обличая себе,/ на блюде обнося ю./ Но яко чистоты детельный учитель,/ и покаяния наставник спасительный,/ молися, Крестителю Христов,// от страстей безчестия избавити нас.

И ныне, глас тойже:

Воспойте, людие,/ Матери Бога нашего, воспойте:/ днесь бо всесветлую душу Свою в пречистыя длани,/ Иже из нея Воплощшагося без семене предаёт:/ Егоже и молит непрестанно,// даровати вселенней мир и велию милость.

На стиховне

стихиры самогласны, глас 2:

Покаяния проповѣднице,/ Иоанне Крестителю,/ отсечѣне бывшей твоѣй главѣ,/ землю освятѣл еси,/ зане закон Божий верным уяснѣл еси/ и беззаконіе потрѣбѣл еси,/ яко предстоя престолу Небеснаго Царя Христа, // Того моли помиловати души наша.

Стих: Праведник, яко финикс процветет,/ яко кедр, иже в Ливане, умножится.

Закона ради Господня во главу усекновен был еси,/ о, всесвятый Иоанне!/ Обличил еси царя злочестива,/ беззаконноавша дерзновением непорочным./ Темже дивятся тебе воинства Ангельская,/ славят тя лица Апостол и мученик./ Чтим твою и мы летнюю память, всеславне,/ славяще Святую Троицу, тебе Венчавшую, // Предтече преславне.

Стих: Возвеселится праведник о Господе/ и уповает на Него.

Иже от пророков пророк/ и болий пророков быв,/ из чрева матерня освященный в служение Господне,/ днесь от беззаконна царя во главу усекновен бысть,/ и безчестно плясавшую отроковицу,/ ясно и прежде усекновения и по усекновении обличив,/ посрами греха полк./ И сего ради возопиём:/ Крестителю Иоанне,/ яко имея дерзновение, // прилежно молися о душах наших.

Слава, глас 8-й:

Предтече Спасов,/ ты царя изобличил еси беззакония не делати./ Темже играніе беззаконныя жены/ повину Ирода отсеци твою главу,/ и сего ради от восток солнца даже до запад/ хвально имя твоё./ Дерзновение имея ко Господу, // прилежно моли спастися душам нашим.

И ныне, глас тойже. Богородичен:

Безневѣстная Дѣво,/ Яже Бога неизреченно зачещи плотию,/ Мати Бога Вышняго,/ Твоих рабов мольбы прими, Всенепорочная,/ всем подающи очищение прегрешений:/ ныне наша молѣнія приемлюще, // моли спастися всем нам.

На благословении хлебов, тропарь дважды.

Тропарь, глас 2:

Память праведнаго с похвалами,/ тебе же довлеет свидетельство Господне, Предтече:/ показал бо ся еси воистинну и пророков честнейший,/ яко и в струях крестити сподобился еси Проповѣданнаго./ Темже за истину пострадав радуясь,/ благовестил еси и сущым во аде Бога являшагося плотию./ Вземлющаго грех мира, // и подающаго нам велию милость.

и Богородице Дево, единойжды, и чтение.

11 сентября. Усекновение главы св. Иоанна Предтечи

5

На утрени,

Тропарь Предтечи, глас 2,

**Па́мьять праведнаго с похвала́ми,/ тебе́ же довлеет свидетельство
Господне, Предте́че:/ показа́л бо ся еси воистинну и пророков
честне́йший,/ я́ко и в струях крестити сподобился еси Пропове́даннаго./
Те́мже за истину пострадав ра́дуясь,/ благовести́л еси и сущым во аде Бога
явля́шагося плоти́ю./ Взёмлющаго грех ми́ра,// и подающаго нам велию
ми́лость. (дважды),**

слава и ныне, богородичен:

**Вся паче смы́сла,/ Вся преславная Твоя, Богородице, та́инства,/
чистоте́ запечатанной, и девству храни́му,/ Ма́ти позналася еси нелóжна,/
Бо́га рождши и́стиннаго;// Того моли спастися душа́м нашим.**

Величание:

**Велича́ем тя,/ Крестите́лю Спасов Ио́анне,/ и почита́ем вси/ честны́я
твоея́ главы́// усекнове́ние.**

Псалом избранный:

**Блажен муж, боя́йся Господа, в заповедех Его восхо́щет зело. Слава и богатство в
дому Его. И правда Его пребывает в век века, В память вечную́ будет праведник.
Праведник яко́ фи́никс процветёт, яже ке́др иже в Ливане умно́жится. Возвеселится
праведник о Господе и упова́ет на него. Се устнам моим не возбраню, Господи. Ты
разумел еси правду мою́ и истину мою́, и язык мой поучится правде Твоей, весь день
хвалé Твоей. Свет возсия праведнику, и правым се́рдцем веселие. Род правых
благословится. Славою и че́стию венчал еси его. Яко Ты благословиши праведника,
Господи. Яко ору́жием благоговения венчал еси нас. В ни́хже посети́ нас восток с
высо́ты, явится во тьме и сени сме́ртней се́дящим, напра́вити ноги наша на путь ми́рен.**

Слава, и ныне: Аллилуия: Трижды

Степенна, 1-й антифон 4-го гласа.

Прокимен, глас 4:

Честна пред Го́сподем/ смерть преподо́бных его́.

Стих: Что воздам Господеви о всех, яже воздаде ми?

Всякое дыхание:

Евангелие Матфея, зачало 57.

**Слава: Молитвами честнаго славнаго пророка, Предтечи и Крестителя
Господня Иоанна милостивее очисти...**

И ныне: Молитвами Богородицы...

По 50-м псалме стихира, глас 6:

**Пляса ученица вселукаваго диа́вола/ и главу твою, Предтече, мзду́
взя́т./ О, пира, испо́лнена крове́й!/ Лучше́ бе не кля́тися,/ Ироде
беззаконне, лжи вну́че./ Аще ли же и кля́лся еси́,/ но не о добре кля́лся:/
лучше́ бе солгавшу жизнь получи́ти,/ неже истинствовавшу главу
Предтечеву усéкнути./ Но мы Крестителя, яко в рожденных женами
бо́льша,// достойно чту́ще, ублажа́ем.**

11 сентября. Усекновение главы св. Иоанна Предтечи

6

Песнь 1.

Ирмос:

Воду прошэд яко сýшу,/ и Египетскаго злá избежáv,/ Израильтянин вопи́яше://
Избавителю и Богу нáшему по́йм.

Катавасиа:

Крест начертáv Моисей,/ впрямю жезлом Чермное пресечé,/ Израилю
пешехо́дящу,/ тоже обратно фараоновым колесни́цам/ удáрив совоку́пи,/ вопреки
написав непобедимое ору́жие.// Тем Христу поим Богу нашему, я́ко прослáвился.

Песнь 3.

Ирмос:

Небéснаго кру́га/ Верхотворче Го́споди,/ и Це́ркве Зиждителю,/ Ты мене
оутверди в любви́ Твое́й,/ желаний краю, верных Утвержде́ние,// Еди́не Человеколю́бче.

Катавасиа:

Жезл во образ та́йны прие́млется,/ прозябением бо предразсужда́ет священника:/
неплодящей же прежде Це́ркви,/ ныне процвете дре́во Креста,// в держа́ву и
утвержде́ние.

Песнь 4.

Ирмос:

Ты моя Кре́пость, Го́споди,/ Ты моя и Си́ла,/ Ты мой Бог, Ты мое Ра́дование,/ не
оставь недра Отча/ и нашу нищету́ посетив./ Тем с пророком Аввакумом зову́ Ти:// силе
Твоей сла́ва, Человеколю́бче.

Катавасиа:

Услы́шах, Го́споди,/ смотрения Твоего та́инство,/ разумех дела́ Твоя́/ и прослáвих
Твоё Божество́.

Песнь 5.

Ирмос:

Вскую мя отрину́л еси/ от лица Твоего, Свете Незаходимый,/ и покрыла мя есть
чуждая тма́ ока́ннаго;/ но обрати мя, и к свету за́поведей Твои́х// пути моя напра́ви,
молю́ся.

Катавасиа:

О трблаже́нное Дре́во,/ на немже распяся Христос, Ца́рь и Госпо́дь,/ Имже паде
дре́вом прельсти́вый:/ тобою прельстився, Богу пригвоздившуся плóтию,// подающему
ми́р душáм нашим.

Песнь 6.

Ирмос:

Очи́сти мя, Спа́се,/ многа бо беззакóния моя́,/ и из глубины зол возведи́, молю́ся:/
к Тебе бо возопих, и услы́ши мя,// Боже спасения моего́.

Катавасиа:

Воднаго зверя во утрóбе,/ длани Иона крестови́дно распосте́р,/ спасительную
страсть проображаше я́ве./ Тем тридне́вен изше́д,/ премирное воскресение прописáше,/
плотию пригвожденнаго Христа Бо́га,// и тридневным воскресением ми́р просвещáшаго.

Кондак, глас 5.

Предте́чево славное усекнове́ние,/ смотрение бысть некое
Божество́нное:/ да и сущим во аде Спасово проповесть пришество́ние./ Да
рыда́ет убо Иродиа́,/ беззакóнное убийство испроси́вши:/ не за́кон бо
Бо́жий,/ ни живый ве́к возлюби́,// но притво́рный, привре́менный.

Песнь 7.

7

Ирмос:

Божия снизхождѣния/ огонь устыдѣся в Вавилоне иногда,/ сего ради отроцы в пещи,/ радованною ногою/ яко во цветнице ликующе, пояху:// благословен еси Божѣ отец наших.

Катавасиа:

Безумное велѣние/ мучителя злочестиваго люди поколебá,/ дышущее прещение и злохулѣние богомѣрзкое:/ обаче три отроки не устраши ярость звѣрская,/ ни огонь снадáй,/ но противодышущу росоно́сному Духу,/ со огнем суще пояху:// препетый отцев и нас Божѣ, благословѣн еси.

Песнь 8.

Ирмос:

Седмерицею пещь/ халдейский мучитель,/ богочестивым неистовно разжжѣ,/ силою же лучшею спасены сия видев,/ Творцу и Избавителю вопиáше:/ отроцы благословите, священницы воспойте,// людие превозносите во всѣ веки.

Катавасиа:

Благословите, отроцы,/ Троицы равночísленнии,/ содетеля Отца Бóга,/ пойте снизшедшее Слово,/ и огонь в росу претвóршее,/ и превозносите всем жизнь подающаго,// Духа Всесвятаго, во веки.

Песнь 9.

Ирмос:

Устраши́ся вся́к слух/ неизреченна Божия снизхождѣния,/ яко Вышний волею сниде даже и до плóти,/ от Девическаго чрева быв Человек.// Темже Пречистую Богородицу вѣрнии велича́ем.

Катавасиа:

Таин еси, Богородице, рай,/ невозделанно возрастивший Христа,/ Имже Крестное живоносное на земли насадися древо,/ тем ныне возносиму// поклоняющеся ему Ты велича́ем.

На хвалитех стихиры, глас 8:

Подобен: О преславнаго чудесе!

О преслáвнаго чудесе!/ Священную главу, и ангелом говѣйную,/ нечистая блудница ношаше отрокови́ца,/ обличившую деяние беззакóнно, прелюбодейце матери принесѣ./ О неизречѣннаго Твоего терпения Человеколю́бче!/ Имже, Христе, спаси души наша,// яко Един Благоутрóбен.

О Иродова окаменения!/ Обезчестивый Бога законными преступлѣнми,/ клятвы соблюдением лестне лицемѣрствует,/ и к прелюбодеянию убийство прилагáет, сетовати творяйся./ О неизглаго́ланнаго Твоего милосердия Влады́ко!/ Имже Христе спаси души наша,// яко Един Благоутрóбен.

О паче ума удивления!/ Пророков печать, земный áнгел,/ блудному плясанию показу́ется цена,/ богословный язык, предпосылается и сущым во аде Христов провозвестник./ О несказаннаго Твоего промышления Влады́ко!/ Имже, Христе, спаси души наша,// яко Един Благоутрóбен.

Слава, глас 6:

Паки Иродиа бесится, паки смущáется./ О плясания льстивнаго, и пира с лѣстию!/ Креститель усека́шеся,/ и Ирод смущáшеся./ Молитвами, Господи, Твоего Предтѣчи,// мир подаждь душам нашим.

И ныне, Богородичен:

Богородице, Ты еси лоза íстинная,/ возрастившая нам плóд живота,/ Тебе молимся молися Влады́чице,/ со святыми апóстолы,// помíловатися душам нашим.

На хвалитех, глас 8

Подобен "О преславнаго чудесе!"

①

О пре - слав - на - го чу - де - се! Свя - щен - ну - ю гла - ву,

и ан - ге - лом го - вей - ну - ю, не - чис - та - я блуд - ни - ца

но - ша - ше от - ро - ко - ви - ца, об - ли - чив - шу - ю де - я - ни - е без - за - кон - но,

пре - лю - бо - дей - це ма - те - ри при - не - се. О не - из - ре - чен - на - го Тво - е - го

тер - пе - ни - я Че - ло - ве - ко - люб - че! Им - же, Хрис - те, спа - си ду - ши

на - ша, я - ко Е - дин Бла - го - у - тро - бен.

2

О И - ро - до - ва о - ка - ме - не - ни - я! О - без - чес - ти - вый Бо - га за - кон - ны - ми

пре - ступ - лень - ми, клят - вы со - блю - де - ни - ем лест - не ли - це - мерст - ву - ет,

и к пре - лю - бо - де - я - ни - ю у - бийст - во при - ла - га - ет,

се - то - ва - ти тво - ряй - ся. О не - из - гла - го - лан - на - го Тво - е - го

ми - ло - сер - ди - я Вла - ды - ко! Им - же Хрис - те спа - си

ду - ши на - ша, я - ко Е - дин Бла - го - у - тро - бен.

10 (3)

О па - че у - ма у - див - ле - ни - я! Про - ро - ков пе - чать, зем - ный

ан - гел, блуд - но - му пля - са - ни - ю по - ка - зу - ет - ся це - на,

бо - го - слов - ный я - зык, пред - по - сы - ла - ет - ся и су - щым во а - де Хрис - тов

про - воз - вест - ник. О не - ска - зан - на - го

Тво - е - го про - мыш - ле - ни - я Вла - ды - ко! Им - же, Хрис - те,

спа - си ду - ши на - ша, я - ко Е - дин Бла - го - у - тро - бен.

Славословие великое. По Трисвятом, тропарь Предтечи, глас 2:

**Па́мять праведнаго с похвала́ми,/ тебе́ же довлеет свидетельство
Господне, Предте́че:/ показáл бо ся еси воистинну и пророков
честне́йший,/ я́ко и в струях крестити сподобился еси Пропове́даннаго./
Тёмже за истину пострадав ра́дуясь,/ благовести́л еси и сущым во аде Бога
являшагося плóтию./ Взёмлющаго грех ми́ра,// и подающаго нам велию
ми́лость.**

Слава и ныне:

**Вся паче смы́сла,/ Вся преславная Твоя, Богородице, та́инства,/
чистоте́ запечатанной, и девству храни́му,/ Ма́ти позналася еси нелóжна,/
Бо́га рождши и́стиннаго;// Того моли спастися душа́м нашим.**

Ектении, и отпуст.

*И дается святы́й еле́й братии от кандила святаго Предтечи. И час 1-й. На 1-м часе,
тропарь и кондак Предтечи, и конечный отпуст.*

На Литургии:

Блаженна от канона 1-го, песнь 3-я, на 4: и 2-го, 6-я на 4.

Прокимен, глас 7:

Возвеселится праведник о Господе,/ и уповает на Него́.

Стих: Услыши, Боже, глас мой, внегда молити ми ся к Тебе.

Апостол Деяний, зачало 33.

Аллилуиа, глас 4: Праведник яко финикс процветет, яко кедр иже в Ливане, умножится.

Стих: Насаждени в дому Господни, во дворех дому Бога нашего процветут.

Евангелие Марка, зачало 24.

Причастен:

В память вечную будет праведник: от слуха зла не убоится.

На трапезе утешение братии, кроме сыра и яиц и рыбы. Ядим же дважды днем, аще среда, или пяток.

ЗРИ Ведомо же буди, яко аще случится праздник сей в неделю, предваряет вся служба воскресна на вечерни и на утрени, и на литургии.

ЗРИ постнаго сего устава на усекновение честныя главы Предтечевы, древними святыми отцы в сей день завецаннаго.

Суть убо нецыи предают качеству быти тогда снедей, а не посту: о том бо не возмогохом ничтоже обрести написано в различных типичех. Но паче достоин в той день всяко воздержатися постом, пострадавшаго ради за истину пророка, и проповедавшаго во аде Господа: разрешению же быти точию на деревяное масло, и прочая от различных овощнаго плода: и по мере единой чашице вина в славу Божию, труда ради бденнаго. Всяко бо достоин нам в той день сетованием унылым быти, а не чревоугождение имети воздержательнаго ради жития святаго, и скверноубийственнаго кровопролития его от Ирода: понеже усечена бысть глава Предтечева на пиру плясанием блудныя плясавицы, и чревоугодием и различных животных заклятием и кровопролитием нам же ни единого от таковых животных, из нихже кровь изливается, но ниже рыб [кровь бо имеют, аще и в воде жительствуют, и от тварей животных суть] подобает вкушати: да не сообщицы явимся Иродову чревоугодию. Како бо Крестителево честное усекновение почтити восхоцем? Мясо ли хоцем ясти, или от иных различных брашен многоценных? А он живяше в пустыни безводней, и безтравней, ни хлеба ядыше, ни трапезы имяше. Вино ли пием? А он никогдаже пияше вина, или инаго пития мирскаго, ни в храмах живяше, но под камнем вкопався живяше. Стол, и трапеза, и одр ему бяше земля, разве ради нужды естественныя единою днем вкушаше акриды, и мед дивий: чаша же ему пригорци бяше, а питие из камене текущая вода. Темже братие усердно почтим день сей молитвою и постом в целомудрии, отбежим пиянственнаго сего злаго нрава: аще бо кто неверствием одержимъ будет, и узаконеннаго сего многоразсудительнаго повеления не сохранит, таковый зле пагубныя напасти постраждет. Право содержащих же подвиг сей, Господи, благослови, и управи молитвами святаго Предтечи.